

مُصَاحَفَةٌ

محل اوراقه :
درسمعادنده باب عالی جاده-سند
اداره مخصوصه

مستکرمه موافق آثار جدیده مع المصنوعه
قبول اولتور
درج ابدیهین آثار اعاده ارتکار

دین ، فلسفه ، ادبیات ، حقوق و علوم دین باحث هفته لوق رساله در

درسمارنده نسخه سی ۵۰ باره در

مؤسسه لری : ابوالعلا زین العابدین - ح . اشرف ادیب

فیرله دن مقوا بورو ابله کوندریلیرسه سنوی
۲۰ غروش فضله آلنیر

تاریخ تاسیسی :
۱۱ نمرز ۳۲۴

درسمارنده	سنه لکی	القی آیلی
ولایاتده	۶۰	۲۰
مملک اجنبیه ده	۸۰	۴۰
	۸۰	۴۰

درسمارنده بوسته ابله کوندریلیرسه ولایات بدلی اخذ اولنور.

ایکنجی جلد

۲۳ ربیع الاخر ۳۲۷ پنجشنبه ۲۰ نisan ۳۲۵

عدد : ۳۶

عبرت عظیمه

قال الله في كتابه المجيد، استعذب الله : « ضرب الله مثلاً قرية كانت آمنة مطمئنة يأتيها رزقها رغداً من كل مكان فكفرت بانعم الله فاذاقها الله لباس الجوع والخوف بما كانوا يصنعون »

(ضرب الله مثلاً قرية) الله تعالی سزله مثل ، جای عبرت ، باعث ابتاه قصه عجبیه اولوق اوزره برقریه خلقنی ذکر و بیان بیورورکه (کانت آمنة مطمئنة) اولوق کمال امن و اطمینان حالنده بولنیورلردی . یعنی تعرض اعدا و عروض آفاتدن امن و عافیت و آسودکی اوزره مطمئن اولوب (يأتيها رزقها رغداً من كل مكان) بوتون نواحدن ، قره دن و دریادن رزق لری ، مدار معیشت لری غایتله واسع اوله رق کلکده ، هزارزو وامللری حصول بولقده ایدی .

امام فخرالدین رازی رحمه الله دیورکه شو آیت جلیله غایه امانی اولان اوج نعمت عظیمه بی حاویدر . نصلکه شاعرک شو قولنده مذکوردر : « ثلثة لیس لها نهایه الامن والصحة والكفایه »

(فكفرت بانعم الله) بو حالك دوامی ، شو مظهریتك تمادیمی حقلرنده باعث بطر اوله رق [۱] اللهك نعمت لری انكاره سوق ایتدی ، جمله سی بردن آزدیله ، كفران نعمت یولنی طوتدیله . (فاذاقها الله

[۱] بوتعبیر سورة القصصه واقع بر آیتدن مقنبدرکه او آیت جلیله « وكم اهلكنا من قرية بطرت معيشتها فتلك مساكنهم لم تسكن من بعدهم الا قليلاً » قول کریمدن عبارت اولوب احوال حاضره نك تماماً مقصد ایدر .

لباس الجوع والخوف) جناب حقه جزای عمللری اولوق اوزره کندی لیرینه صورت مستولیده آنت جوع و بلا ی خوف تسلیط بیوردی ، آنلری احاطه ایدن آجلق و انواع مضایقه مرارتی حس ایتدی ردی . کندی لیرینی حال دهشتناکه گرفتار ایلدی .

(بما كانوا يصنعون) بو احوالك سرزده ظهور اولمسی کندی لیرینك اوتده نبری اعتیاد ایتدک لری معاملات ناروا دن ناشیدر . (كانوا يصنعون) ارتکاب ایده کدک لری صنیع قبیحك امر مستمر ، « بما » لفظی ده مدخولك باعث مستقل اولمسی اشعار ایتدکده در . یعنی مظهر اولدق لری نعمای سبحانییه قارشی کفران عظیم ابرازینه جرء تلری ، اولیله طوغرودن طوغرویه اولیوب ، بلکه بر خیلی زمان بی آدمه بد معامله ایتک و انواع مظالم اجرا ایتک صورتیله قسوت قلب پیدا ایتدیله و خشیت الهی دن پک اوزاق دوشدی لرده حقه قارشی طغیان و نعمت لیرینه مقابل ابراز کفران جسارتی آله بیلدیله . عزیز ذوانتقام اولان الله ده جزای لایق لیرینی و یردی .

قریه مباحوث غنهایی تعینده بر قاچ روایت واردر . فقط بعینها بیلنمسنه لزوم یوقدر . جای اعتبار و ایقاظ اوله بیلمسچون احوال و عوارضنی بیلک کافیدر . قرآن کریمدن مقصده بودر .

مفسرین عظامک بیان ایتدک لری وجهله وقتیله مکة مکرمه اهالیسی ، صنایدق ریش بو مثل مضروبه مورد اولمشلردی . بو کونده بیلدیز قریه سی ، رؤسای استبداد تماماً بو آیت جلیله نه معکس ، حاوی اولدینی احوال خبیثه و الیمیه مجلای عبرتتا اولدینی وارسته انبادر .

(قریه) تعبیرینك معنای واسعنه واقف اولان لرحه اطلاق واقمک استبعاد اولونه جق جهتی و اوصاف سائر نك ذره قدر مابینتی اولمادینی

جناب قرآنیہ

سورہ رحمن آیت - ۲۶، ۲۷

« كل من عليها فان ويبقى وجه ربك ذو الجلال والاكرام »

روی ارضه [ذی حیاتدن ویا مرکباتدن] هر نه وارسه جمله سی
[لامحاله هالك و] فانی در . و ذی جلال و اکرام اولان وجه ربك
[ذات ربك] باقی قالور .

الله اکبر .. سادگی حسن بیان ایله اکتسا ایتش نه وجیز
و جامع کلام الله ! بتون ولوله واحتشام حیاتك عاقبت فانی وانجق
فیاض حیات ، مربی عوالم و کائنات اولان جناب حی قیومك دائم
و باقی اولدیغنی متضمن مؤدای شریفی کو کلدرده مدید و عمیق بر تاثیر
ایله طنین انداز اولیور ، فکر لری عظیم و کریم ازلی و ابدی بروحدت
مطلقه عالییه ارشاد ایدیور . بر نداء حقیقت که بتون های وهوی
حیاتی ، فاتحه و خاتمه مکنوناتی زبده المعانی ایکی جمله مؤثره بلیغده
تلخیص ایله ، ازلیتدن نبهان ایدن جمله مظاهر و تعیناتک ینه هر دم
ابدیته طوغری جریان ایدرک نهایت دریای احدیته قارشدیغنی اهل
عرفانه اعلان ایللیور .

بتون اقوامك فصحا و بلغاسی ، سر آمدان خطبا و شعراسی
بووادیده مؤثر ، دلفریب ، حقیقت شناس بونجه سوزلر سویلمش
اولدق لری حالد هیهج بری بو کلام عالینک کعبه و اصل اوله مامشدر .
هیج بری کلام الله قدر تاثیر حاصل ایده مامشدر . (كل من عليها فان)
بدیعه اعجاز نامسی او قدر سوزلرک کو کلدره حقیقه تبلیغ ایده مدیکی
معانی بی بر ایکی کله ایچنده بر سحر بیان ایله تبلیغ و افهام ایدیور .

[من] کله سی تغلیب ایچوندر و حیوان ویا مرکبات مراددر .
یا خود کله مذکورہ ثقلیندن یعنی انس و جندن عبارتدر . [علیها]
ده کی ضمیر ارضه راجعدر . [فان] لامحاله هالکدر دیمکدر . وجه ایله
ذات جلالیسمات الهی مراددر . وجه اشرف اعضا و مجمع مشاعر اولدیغندن
ذات ایچون استعاره قلنمشدر . [ذو الجلال والاكرام] استغناء مطلق
و فضل تام صاحبی دیه تفسیر اولنمشدر . جلال عظم قدر و شانده غایت
و تناهی معناسنه اولوب ذات وصفات و افعال جهتلیله استغنا
ایسه نهایت عظمت اولدیقتدن جلالک استغنا ایله تفسیرینه سبب بودر .
بعضلری بوصفتی : ذات الوهیتی مخلص قوللرینی اجلال و تکریم ایدر
دیہ تفسیر ایتمشدر . بوصفت جلال صفات الهیه دندر . رسول
اکرم صلی الله علیه وسلم افندمز « الظوا بیاذ الجلال والاكرام »
بیورمشدر . یاذا الجلال والاكرامه مواظبت ایدک دیمکدر . ذات رسالتیاب
افندمزدن مرویدر که بر آدم یاذا الجلال والاكرام دیهدعا ایدر ایکن ذات
نبوتپناهلری او آدمک یانندن کچوب بیوردی که دعاک محقق مظهر اجابت
اولدی . خلقک فنا و هلاکی و ذات اللهک بقاسی ذکر بیورلدقندن صکره
ذات الوهیتی بوصفت ایله توصیفده خلقک فنا و هلاکندن صکره دخی

هویدا: در . زیرا سنه لردن بری اورالرده بریکن اوجای دلکشایی
مأمن و مأوی اتخاذا ایلین صنوف مختلفه مستبدان نائل اولدق لری
نعمتک قدرینی بیلمدیلر . کندی ، محضا کندی منافع عاجله و زائله لرینی
تأمین ایچون بوتون حقوق ملتی ، منافع عمومی ایقلا آتته آلدیلر ،
پایمال ایتدیلر .

اونلر یالکز او موقع عالینک حامیسی و باجمله حقوق اسلامیه
وانسانیته نیک ماحیسی اولان ذاتک [*] او امر و اجرا آتته آلت اولدیلر .
هر امر و فرمانه کوری کورینه ، عادتا پرستش مرتبه سنده تابع اولوب
ملکک ، ملتک ، قوجه بر دولتک محو واضمحلالنه یوللر آچدیلر ،
لسباب و وسائط حاضرله دیلر .

اوده اونلرک هر درلو مشتیهانه ، عباد الله حق لرنده آرزو ایتدک لری
بی نهایه ، طاقتفرسا هوسانه مساعدات بذل ایتدی . یالکز کندی
حقنده صادق بولنمق ، رعایتی لابد اولان نقاطه مراعی اولمق
شرطیله هر مسئولیتدن ، هر درلو قیود مکلفیتدن وارسته قلدی ،
مطلق العنان بر اقدی . بو فرصته نائل اولان او بی مغزان عواقب
احوالی دوشونمدیلر (لهم عذاب شدید بما نسوا یوم الحساب)
سیرینه آگاه اولمدیلر [حالبوکه عادل مطلق ، حکیم ذو الجلال (عزشانه)
حضرت لری مراد ایدنجه (یوم تبلی السرائر) نشانه سنی دنیادهده
کوسترر . نصل که کوستریور .] کوندن کونه جرء تلرینی آرتدیلر .
ایچلرنده غایت اندر اوله رق دائره انصافدن تبعاعد ایتیلر بولنه .
بیلیرسهده سائر لری استطاعت لری نسبتنده اجرای نفوذ ایتدیلر .
کفران نعمتک ، سوء استعمالک مرتبه بالاسنه چیقدیلر ، خارجدن
کندی لرینه بیک درلو واسطه لر بولدیلر . کیمنی قاندر دیلر ، کیمنی
بیلیر دیلر . عباد اللهی قاصوب قاووردیلر . ایسته دک لری کبی از دیلر ،
قر دیلر ، دو کدیلر ، امتیازلر قایدیلر . حیله و خدعه لر قاندر دیلر ، خلقی
بری برینه صوقدیلر ، بوتون ملتی صویدیلر .

الحاصل عالم چالشدی ، او خائن مستبدلر قازاندی . فقط نهایت الامر
(فاذا قه الله لبس الجوع والخوف بما كانوا يصنعون) سر جلیلی
ظهور ایتدی ، حکمدار مطلق لری ایله برابر محو و واضمحلال لرینه مشیت
ربانیه تعلق ایلدی . عدالت آلهیه تمام مشاهده اولندی . اعوان و انصار لر یله
بر لکده شمعی جمله سی شرع شریفه قارشی تیره یورلر ، مال و جان
قور قوسی چکیورلر . (فاعتبروا یا اولی الابصار)

بونظم جلیلیک بر نظیری ده استعین بالله (ان الله لا یغیر ما بقوم حتی ینظروا
ما بانفسهم و اذا اراد الله بقوم سوء فلا مردله و ما لهم من دونه من وال)
آیت جلیله سیدر . معنای شریفی : علی التحقیق جناب الله بر قومه بخش
ایلدیکی الطافنی تغیر و تحویل بیورماز ، تا که اونلر نفس لرینه عائد
وظائفی تبدیل ، اخلاق فطریه لرینی افساد ایدلر . بر قومه بر آفت
ایرشمه سنه اراده الهیسی تعلق ایدنجه اونو ردایتکه چاره بوله مازلر ،
درکاه سبحانیدن غیری التجا کاه یوقدر ، اوله ماز .

مناسرتی اسماعیل صقی

[*] او قودنیمز فتوای شریفه بوسوزلر منک برهان قاطعیدر .